





Број: 05-05-1-891-2/12
Сарајево, 28. март 2012. године



**ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**- ПРЕДСТАВНИЧКИ ДОМ
- ДОМ НАРОДА**

Предмет. Сагласност за ратификацију споразума, тражи се

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00), достављамо вам ради давања сагласности за ратификацију:

Споразум о Центру за безбједносну сарадњу - RACVIAC. Споразум је потписан 14. априла 2010. године у Будви.

Будући да је Министарство иностраних послова БиХ надлежно за провођење поступка за закључивање овог споразума, молимо вас да на састанке ваших комисија, односно сједнице Дома, поред представника Предсједништва БиХ, као предлагача, позовете и представника Министарства који посланицима, односно делегатима може дати све потребне информације о споразуму.

С поштовањем,



ГЕНЕРАЛНИ СЕКРЕТАР

Ранко Нинковић



Broj: 08/1-23-2060-7/11
Sarajevo, 16. mart 2012.g.

BOSNA i HERCEGOVINA
PREDSJEDNIŠTVO
Sarajevo

PREDSJEDNIŠTVO BOSNE I HERCEGOVINE SARAJEVO			
PREDSJEDNIK	PRVI ZAMJENIK	DRUGI ZAMJENIK	ČLANOVI
05	05-1	891	

Predmet: Prijedlog odluke o ratifikaciji Sporazuma o Centru za sigurnosnu saradnju – RACVIAC, dostavlja se

Dostavljamo Prijedlog odluke o ratifikaciji Sporazuma o Centru za sigurnosnu saradnju – RACVIAC, koji je potpisan 14. aprila 2010.g, u Budvi, na engleskom jeziku.

U vezi sa predmetnim sporazumom Predsjedništvo BiH je na 16. redovnoj sjednici održanoj 28. decembra 2011.godine donijelo Odluku o prihvatanju Sporazuma, te ovlastilo Ministra vanjskih poslova BiH da potpiše isti (kopija Odluke je u prilogu ovog akta).

Vijeće ministara Bosne i Hercegovine je, na 3. sjednici održanoj 7. 02. 2012.g, utvrdilo Prijedlog odluke o ratifikaciji Sporazuma radi dostavljanja Predsjedništvu BiH i provedbe procedure ratifikacije (kopija obavijesti o Zaključku Vijeća ministara BiH, akt broj: 05-07-1-596-25/12 od 9. 03. 2012.g. je također u prilogu ovog akta).

Dostavljamo i kopiju mišljenja Ureda za zakonodavstvo Vijeća ministara Bosne i Hercegovine, akt broj: 01-02-326-1/11 od 27. januara 2012.godine, koji na Nacrt odluke o ratifikaciji nije imao primjedbe.

Molimo da Predsjedništvo Bosne i Hercegovine, u skladu sa odredbama Zakona o postupku zaključivanja i izvršavanja međunarodnih ugovora ("Službeni glasnik BiH", broj 29/00) provede postupak ratifikacije Sporazuma.

S poštovanjem,

Prilog: kao u tekstu



Sporazum o RACVIAC-u – Centar za sigurnosnu saradnju

Preambula

Države koje učestvuju u Procesu suradnju u Jugoistočnoj Europi (SEECF), Strane ovoga Sporazuma (u daljnjem tekstu “Strane”),

Podsjećajući na “Sporazum između Vlade Republike Hrvatske i Vlade Federalne Republike Njemačke o osnivanju Regionalnog centra za pomoć u verifikaciji i implementaciji kontrole naoružanja (RACVIAC)”, sklopljen u Zagrebu, 8. ožujka 2001. godine,

Podsjećajući da je u skladu sa člankom 1., paragraf (4) toga Sporazuma, Republika Italija pristupila tome Sporazumu 21. kolovoza 2002. godine, a Republika Turska 15. rujna 2004. godine.

Podsjećajući na odluke i razmatranja Multinacionalne savjetodavne grupe (u daljnjem tekstu „MAG“) o budućem pravnom statusu i novoj strategiji Regionalnog centra za pomoć u verifikaciji i implementaciji kontrole naoružanja (RACVIAC),

Imajući na umu nastojanja uložena u uspostavu bliskije regionalne suradnje, te odlučne da pojačaju vlasništvo nad regijom,

Spreme za blisku suradnju sa Vijećem za regionalnu suradnju (RCC) i svim drugim regionalnim inicijativama i dogovorima,

Budući da je odgovornost i dužnost svih zemalja u Jugoistočnoj Europi da njeguju dijalog i suradnju u pitanjima sigurnosti u Jugoistočnoj Europi kroz međusobno partnerstvo kao i partnerstvo sa njihovim međunarodnih partnera,

Uvjerene u nužnost reorganiziranja Regionalnog centra za pomoć u verifikaciji i implementaciji kontrole naoružanja (RACVIAC) u svrhu doprinosa otvaranju aktivnosti RACVIAC-a za sve Strane koje su spremne da poštuju odredbe ovoga Sporazuma,

Svjesne da im je u zajedničkom interesu učestvovati u aktivnostima moderniziranog i reorganiziranog Regionalnog centra za pomoć u verifikaciji i implementaciji kontrole naoružanja (RACVIAC), te iskoristiti dosadašnji napredak i postignuća RACVIAC-a

Sporazumjele su se kako slijedi:

Dio I
Osnivanje, misija i aktivnosti

Članak 1.
Osnivanje

- 1) Strane ovime osnivaju RACVIAC – Centar za sigurnosnu suradnju (u daljnjem tekstu “RACVIAC),
- 2) RACVIAC je pravni nasljednik Regionalnog centra za pomoć u verifikaciji i implementaciji kontrole naoružanja (RACVIAC) osnovanog “Sporazumom između Vlade Republike Hrvatske i Vlade Federalne Republike Njemačke o osnivanju Regionalnog centra za pomoć u verifikaciji i implementaciji kontrole naoružanja (RACVIAC)”, sklopljenom u Zagrebu, 8. ožujka 2001. godine, kojem je pristupila Republika Italija 21. kolovoza 2002. godine i Republika Turska 15. rujna 2004. godine.
- 3) RACVIAC – Centar za sigurnosnu suradnju je međunarodna, neovisna, nekomercijalna, regionalna, akademska organizacija.

Članak 2.
Misija

Misija RACVIAC-a je da njeguje dijalog i suradnju u sigurnosnim pitanjima u Jugoistočnoj Europi kroz partnerstvo sa Stranama i njihovim međunarodnim partnerima.

Članak 3.
Obim aktivnosti

RACVIAC će obavljati svoju misiju prvenstveno promicanjem:

- a) Sigurnosnog dijaloga i reforme sigurnosnog sektora, kontrole naoružanja kao i mjera za izgradnju sigurnosti i povjerenja;
- b) Sinergije sa drugim organizacijama i institucijama kao što su NATO, EU, OSCE, kao i sa bilateralnim partnerima po svim pitanjima od međusobnog interesa i brige,
- c) Bliske saradnje sa RCC-om i svim drugim regionalnim inicijativama i dogovorima,
- d) Dijaloga sa civilnim društvom, akademskom zajednicom i tvorcima javnog mišljenja.

Dio II
Članice RACVIAC-a

Članak 4.
Članice

- 1) Strane ovog Sporazuma su članice RACVIAC-a.

- 2) Članice će rasporediti osoblje u Tajništvo i davati financijski doprinos za budžet RACVIAC-a, u skladu sa Financijskim pravilnikom.
- 3) Mjesto predsjedavajućeg MAG-a i mjesto direktora će biti isključivo otvoreni za postavljenja od strane članica. Druge više pozicije koje će biti otvorene isključivo za postavljenja od strane članica će biti definirane zasebnom odlukom MAG-a.

Članak 5. Pridružene članice

- 1) Status pridružene članice će biti na pisani zahtjev otvoren za svaku zemlju koja izrazi spremnost za suradnju i doprinos RACVIAC-u.
- 2) MAG će odlučivati o zahtjevu.
- 3) Status pridružene članice uključuje raspoređivanje osoblja i/ili financijski doprinos i/ili doprinos u vrstama operacije RACVIAC-a.
- 4) Status pridružene članice može biti suspendiran ili prekinut odlukom MAG-a, u skladu sa odredbama ovog Sporazuma.
- 5) Pridružene članice mogu po potrebi prisustvovati sastancima MAG-a i učestvovati u njegovom radu.

Članak 6. Promatrači

- 1) Ostale zainteresirane države, kao i međunarodne organizacije, nevladine organizacije i institucije mogu učestvovati u RACVIAC-u kao promatrači, po odobrenju MAG-a.
- 2) MAG odlučuje o zahtjevima za dobivanje statusa promatrača u RACVIAC-u.
- 3) Status promatrača može biti suspendiran ili prekinut odlukom MAG-a, u skladu sa odredbama ovog Sporazuma.
- 4) Promatrači u RACVIAC-u mogu prisustvovati sastancima MAG-a i učestvovati u njegovom radu, ali nemaju pravo glasovanja.

Dio III Organizacija i struktura RACVIAC-a

Članak 7. Multinacionalna savjetodavna grupa (MAG)

- 1) MAG je jedino tijelo RACVIAC-a koje donosi odluke.
- 2) MAG djeluje kao upravni odbor za RACVIAC. MAG će dati smjernice kako bi osigurao rad i razvoj RACVIAC-a.

Članak 8. Sastav MAG-a

- 1) MAG se sastoji od po jednog predstavnika svake članice.
- 2) MAG imenuje svoga predsjedavajućeg na period od godinu dana, koji može biti produžen na još godinu dana. Uz izuzetak eventualnog perioda preklapanja, predsjedavajući MAG-a i direktor RACVIAC-a ne smiju biti predstavnici iste države.
- 3) Direktor RACVIAC-a će biti stalni savjetnik MAG-a, učestvovat će na sastancima MAG-a i ima pravo podnošenja prijedloga MAG-u.

Članak 9. Procedure

- 1) MAG se redovito sastaje dva puta godišnje.
- 2) Daljnji sastanci mogu se održavati ukoliko predsjedavajući smatra da je to nužno ili na zahtjev najmanje 1/3 članica MAG-a.
- 3) MAG može donositi odluke kada je prisutno više od pola njegovih članica. Odluke MAG-a donose se konsenzusom prisutnih članica. Pod konsenzusom se podrazumijeva izostanak prigovora.
- 4) Ako je neophodno da MAG donese odluku između zasjedanja, koja se ne može dogoditi do sljedećeg sastanka MAG-a, može se primijeniti prešutni postupak. Procedura iz tačke 3) ovoga članka takođe se primjenjuje za donošenje odluke u prešutnom postupku.
- 5) Na sastancima MAG-a nijednu članicu ne smije predstavljati druga članica.
- 6) Osoblje RACVIAC-a može prisustvovati MAG-ovim sastancima na zahtjev MAG-a ili direktora.
- 7) Predstavnici država, međunarodnih ili regionalnih organizacija, tijela ili pojedinaca mogu biti pozvani od strane predsjedavajućeg MAG-a, nakon konsultacija sa članicama, da se kao posebni gosti obrate na sastanku MAG-a ili da obavijeste MAG o konkretnim područjima od interesa.

Članak 10. Zadaci MAG-a

MAG odlučuje:

- 1) o općim smjernicama za rad RACVIAC-a;
- 2) o ocjenjivanju mjera koje se provode, prijedlozima koji se podnose i izvještajima koja podnosi direktor, te pregledima ostvarenog napretka RACVIAC-a;
- 3) o imenovanju predsjedavajućeg MAG-a i direktora RACVIAC-a;
- 4) o usvajanju Poslovnika o radu MAG-a, kao i o izmjeni i dopuni Poslovnika o radu i svih drugih propisa neophodnih za njegov rad i rad RACVIAC-a;
- 5) o izvršavanju budžeta za tekuću godinu;
- 6) o budžetu za sljedeću fiskalnu godinu;
- 7) o godišnjem revizijskom izvještaju;

- 8) o godišnjem planu, uključujući predložene aktivnosti, njihovo financiranje i neophodna sredstva;
- 9) o kadrovskoj politici za osoblje RACVIAC-a;
- 10) o promjenama ukupne strukture Stola za organizaciju i kadrove;
- 11) o pregovorima i potpisivanju Memoranduma o suglasnosti ili političkih dokumenata sa trećim stranama, te o ovlaštenju predsjedavajućeg MAG-a ili direktora RACVIAC-a za potpisivanje tih dokumenata;
- 12) o datumu i mjestu sastanka MAG-a i odobrenju zapisnika tih sastanaka;
- 13) o svim drugim pitanjima koja smatra bitnim.

Članak 11. Tajništvo

- 1) RACVIAC ima Tajništvo, koji je njegovo izvršno tijelo s direktorom na čelu. Tajništvo pomaže MAG-u i njegovim pomoćnim tijelima u obavljanju njihovih zadataka. Ono izvršava dužnosti navedene u ovome Sporazumu kao i zadatke koje mu prenese MAG.
- 2) Tajništvo između ostalog:
 - a) priprema i podnosi MAG-u nacrt godišnjeg plana i proračuna organizacije;
 - b) priprema i podnosi MAG-u nacrt izvještaja organizacije o provedbi ovog Sporazuma i druge izvještaje koje MAG zatraži;
 - c) pruža administrativnu i tehničku pomoć MAG-u i njegovim pomoćnim tijelima;
 - d) upućuje i prima saopštenja u ime organizacije za i od članica, pridruženih članica i posmatrača o pitanjima koja se tiču provedbe ovog Sporazuma.
- 3) Tajništvo obavještava MAG o svim problemima u vezi sa obavljanjem njegovih zadataka koji se tiču provedbe ovog Sporazuma koji su mu saopšteni, a koje nije u mogućnosti riješiti ili razjasniti u dogovoru sa članicama, pridruženim članicama i posmatračima.
- 4) Tajništvo je odgovorno za osiguranje izvršavanja takvih zadataka neophodnih za pravilno djelovanje RACVIAC-a.

Članak 12. Direktor

- 1) Direktora imenuje MAG na prijedlog članica, na period od tri godine, uz mogućnost samo jednog reizbora.
- 2) Direktor je odgovoran MAG-u za imenovanje osoblja, te za organiziranje i djelovanje Tajništva. Jedino državljani članica mogu obavljati dužnost direktora.
- 3) Direktor je šef Tajništva i djeluje kao stalni savjetnik MAG-a u skladu sa člankom 8. paragraf 3.
- 4) Direktor je odgovoran za osiguranje redovitog i učinkovitog djelovanja RACVIAC-a. Direktor za svoj rad odgovara MAG-u.

Članak 13. Osoblje i zapošljavanje

- 1) Organizaciju RACVIAC-a struktuirati i odobrava MAG kako bi osigurao najučinkovitiji, efikasan i fleksibilan odgovor na potrebe država članica MAG-a. Organizacija mora osigurati strukturu, koja je regionalno utemeljena, te administrativno i logistički samodostatno.
- 2) Osoblje RACVIAC-a obuhvaća direktora, zamjenika direktora, raspoređeno osoblje, te ostalo administrativno-tehničko osoblje.
- 3) RACVIAC se prvenstveno popunjava raspoređivanjem osoblja koje je otvoreno za koordinaciju i saradnju, stručno za pronalaženje višestranih rješenja, sa dovoljnim obrazovanjem, iskustvom i prošlošću u skladu sa opisom radnog mjesta. Kada su mjesta rezervisana isključivo za zemlju domaćina, Republika Hrvatska kao zemlja domaćin osigurava održivi raspored osoblja.
- 4) Posmatrači, međunarodne organizacije, nevladine organizacije i institucije mogu raspoređivati osoblje i/ili dodijeliti osoblje za posebne projekte na privremenoj osnovi, u očekivanju odluke MAG-a.
- 5) Pravilnici uključuju pravila, principe i procedure za odabir osoblja, njihov angažman, klasifikaciju mjesta i učinkovit rad Sekretarijata RACVIAC-a u ostvarivanju ciljeva ovog Sporazuma.

Članak 14. Uslovi zapošljavanja

- 1) Odlukom MAG-a se određuje Pravilnike o osoblju RACVIAC-a. oni će, minimalno, odražavati sljedeće principe:
 - a) Ako ovim Sporazumom nije drugačije predviđeno, državljani svih članica i pridruženih članica imaju ravnopravan pristup zaposlenju u RACVIAC-u. Popunjavanje osoblja se vodi prema potrebi pravilnog obavljanja odgovornosti Tajništva.
 - b) Odabir i unapređenje kao i svi drugi aspekti upravljanja personalom će biti sukladno principima zasluge, te uz poštivanje zahtjeva pravednosti, transparentnosti, raznolikosti i zastupljenosti svih članica.
- 2) Kadrovske sporove će rješavati arbitražno vijeće koje se uspostavlja posebnom odlukom MAG-a.

Članak 15. Nepriistrasnost

- 1) U izvršavanju svojih dužnosti, direktor i osoblje Sekretarijata neće tražiti ni primati upute od bilo koje pojedinačne članice MAG-a, kao ni od bilo koje države ili tijela izvan MAG-a.
- 2) Svaka članica, pridružena članica ili posmatrač mora poštovati isključivi međunarodni karakter dužnosti direktora i drugog osoblja i ne smije pokušavati uticati na njih u izvršavanju njihovih dužnosti.

Dio IV

Upravljanje financijama

Članak 16. Financiranje

- 1) RACVIAC se financira iz redovitih godišnjih doprinosa članica, kao i iz drugih dobrovoljnih doprinosa, donacija i drugih izvora.
- 2) Mjerila za raspoređivanje doprinosa i rok za uplatu doprinosa članica će biti definisan Financijskim pravilnikom.

Članak 17. Godišnji proračun

- 1) Proračun RACVIAC-a se uspostavlja na godišnjoj osnovi i njegov sadržaj se utvrđuje Financijskim pravilnikom.
- 2) Godišnji proračun utvrđuje ukupne godišnje prihode i rashode. Godišnji proračun uvijek mora biti uravnotežen, tako da ukupni godišnji prihodi uvijek pokrivaju ukupne godišnje rashode. RACVIAC-u nije dopušteno da uđe u dugove, ukoliko tako ne odluči MAG.
- 3) Konačna nadležnost nad godišnjim proračunom pripada MAG-u na osnovu prijedloga kojeg pravovremeno unaprijed podnosi direktor RACVIAC-a, a najkasnije 90 dana prije početka fiskalne godine RACVIAC-a.

Članak 18. Financijsko izvješće

- 1) Direktor MAG-a podnosi godišnja izvješća o izvršavanju godišnjeg proračuna. Izvješće će biti predmet odobrenja od strane MAG-a.
- 2) Svake godine neovisni revizori obavljaju reviziju korištenja godišnjeg proračuna. Revizijsko vještaj će biti predmet odobrenja od strane MAG-a. Revizijski izvještaj se nakon toga objavljuje.
- 3) MAG odlučuje o nezavisnim vanjskim revizijskim revizorima, kao i o izvanrednoj reviziji koju može predložiti bilo koja članica MAG-a.

Dio V Pravna sposobnost, privilegije i imuniteti

Članak 19. Sjedište RACVIAC-a

- 1) RACVIAC ima sjedište u Republici Hrvatskoj.
- 2) Sporazum o državi domaćinu sklapa se između RACVIAC-a i Vlade Republike Hrvatske.
- 3) Službeni radni jezik je engleski.

Članak 20.
Pravna sposobnost

- 1) RACVIAC uživa takvu pravnu sposobnost koja mu omogućava sklapanje međunarodnih ugovora sa državama i međunarodnim organizacijama koji su neophodni za obavljanje njegovih dužnosti i ostvarivanje njegovih ciljeva.
- 2) On ima sposobnost sklapati ugovore i učestvovati u pravnim procedurama, uključujući sticanje i raspolaganje nepokretnom i pokretnom imovinom.

Članak 21.
Privilegije i imuniteti RACVIAC-a

RACVIAC, njegove prostorije i imovina uživaju u Republici Hrvatskoj, kao državni domaćinu, status jednak onome koji se odobrava diplomatskim misijama prema Bečkoj konvenciji o diplomatskim odnosima od 18. travnja 1961. godine.

Članak 22.
Privilegije i imuniteti osoblja

- 1) Direktor, zamjenik direktora, kao i njihovi supružnici i članovi njihovih obitelji koji s njima žive u istome domaćinstvu, uživaju na području Republike Hrvatske kao države domaćina, status jednak onome koji se odobrava diplomatskim predstavnicima i njihovim supružnicima, te članovima njihovih obitelji koji s njima žive u istom domaćinstvu, prema Bečkoj konvenciji o diplomatskim odnosima 18. travnja 1961. godine.
- 2) Svi drugi pripadnici osoblja RACVIAC-a i članovi njihovih obitelji koji s njima žive u istom domaćinstvu, uživaju na području Republike Hrvatske kao države domaćina, status jednak onome koji se odobrava administrativnom i tehničkom osoblju i njihovim supružnicima, te članovima njihovih obitelji koji s njima žive u istom domaćinstvu, prema Bečkoj konvenciji o diplomatskim odnosima od 18. travnja 1961. godine. Posebice, oni uživaju pravo na uvoz robe za potrebe svoga domaćinstva kao i na uvoz ili kupovinu motornog vozila za ličnu upotrebu, oslobođeno od plaćanja carine i poreza na dodatnu vrijednost (PDV), u roku od godine dana od datuma preuzimanja dužnosti u Republici Hrvatskoj u skladu sa odredbama nacionalnog zakonodavstva.
- 3) Ako je pripadnik osoblja RACVIAC-a državljanin ili je stalno nastanjen u Republici Hrvatskoj kao državni domaćinu, isti na području Republike Hrvatske uživa imunitet za postupke koje učini u svom službenom svojstvu. Ovo ne vrijedi za osoblje koje se angažira u skladu sa paragrafom 4. ovog članka.
- 4) RACVIAC može lokalno angažirati potrebno pomoćno osoblje u skladu sa nacionalnim zakonodavstvom Republike Hrvatske.

Dio VI
Završne odredbe

Članak 23.
Izmjene i dopune

- 1) Ovaj Sporazum se može mijenjati i dopunjavati na prijedlog bilo koje Strane.
- 2) Svaki takav prijedlog će se saopštiti svim drugim Stranama od strane depozitara radi njegova razmatranja i odobrenja.
- 3) Strane su dužne obavijestiti depozitara u što kraćem roku o njihovom prihvaćanju predloženih izmjena i dopuna ovog Sporazuma.
- 4) Izmjene i dopune usvojene konsenzusom u skladu sa paragrafom 3 stupaju na snagu u skladu sa člankom 27.

Članak 24.
Trajanje

Ovaj Sporazum sklapa se na neodređeno vrijeme.

Članak 25.
Rezerve

Nikakvu rezervu nije moguće staviti na ovaj Sporazum.

Članak 26.
Povlačenje

- 1) Strana ovog Sporazuma može se povući iz njega dostavom pisane obavijesti depozitaru. Takva obavijest može stupiti na snagu najranije po završetku RACVIAC-ove financijske godine u kojoj depozitar zaprimi obavijest.
- 2) Strana ovog Sporazuma se temeljem povlačenja iz istog ne oslobađa financijskih obveza koje su nastale dok je još bila Strana ovog Sporazuma.
- 3) Strana koja se povukla iz ovog Sporazuma može naknadno podnijeti zahtjev za pristupanje Sporazuma u skladu sa člankom 28. ili postati posmatrač u RACVIAC-u u skladu sa člankom 6.

Članak 27.
Stupanje na snagu

- 1) Ovaj Sporazum podliježe ratifikaciji, prihvatanju ili odobrenju od strane država potpisnica u skladu sa njihovim odgovarajućim pravnim uslovima.
- 2) Ovaj Sporazum će biti otvoren za potpisivanje na datum 14. travnja 2010. godine, te će ostati otvoren za potpisivanje dva mjeseca od tog datuma.
- 3) Ovaj Sporazum će stupiti na snagu prvog dana mjeseca koji slijedi nakon datuma na koji je peta od država koje su potpisale ovaj Sporazum položila kod depozitara svoju ispravu o ratifikaciji, prihvatanju ili odobrenju.
- 4) Za državu potpisnicu koja ratificira, prihvata ili odobrava ovaj Sporazum nakon datuma njegova stupanja na snagu, u skladu sa paragrafom 3. ovog članka, ovaj

Sporazum stupa na snagu prvog dana mjeseca koji slijedi nakon datuma polaganja njezine isprave o ratifikaciji, prihvatanju ili odobrenju kod depozitara.

Članak 28. Pristupanje

- 1) Nakon stupanja na snagu ovog Sporazuma, bilo koja država sudionica SEECF-a koja nije potpisnica može pristupiti ovom Sporazumu.
- 2) Otvaranje ovog Sporazuma za pristup državama izvan država sudionica SEECF-a je predmet posebne odluke od strane MAG-a.
- 3) Za države koje pristupe u skladu sa paragrafima 1. i 2. ovog članka, Sporazum stupa na snagu prvog dana koji slijedi nakon datuma polaganja njezine isprave o pristupu kod depozitara.

Članak 29. Prelazne odredbe

- 1) Sve prethodne odluke Regionalnog centra za pomoć u verifikaciji i implementaciji kontrole naoružanja koje su na snazi na datum stupanja na snagu ovog Sporazuma smatraju se odlukama RACVIAC-a – Centra za sigurnosnu suradnju, u mjeri u kojoj nisu u suprotnosti sa odredbama ovog Sporazuma.
- 2) Na datum stupanja na snagu ovog Sporazuma, sva imovina koja pripada Regionalnom centru za pomoć u verifikaciji i implementaciji kontrole naoružanja (RACVIAC) prenosi se na RACVIAC.
- 3) Sve države koje su pridružene članice Regionalnog centra za pomoć u verifikaciji i implementaciji kontrole naoružanja (RACVIAC) uživaju taj status kako je on definiran u ovom Sporazumu, ukoliko ne obavijeste drugačije.
- 4) Sve zemlje, međunarodne organizacije ili institucije koje su promatrači pri Regionalnom centru za pomoć u verifikaciji i implementaciji kontrole naoružanja (RACVIAC) uživaju taj status kako je on definisan u ovom Sporazumom, ukoliko ne obavijeste drugačije.

Članak 30. Rješavanje sporova

U slučaju spora između dvije ili više Strana ili između Strane i RACVIAC-a po pitanju tumačenja ili primjene ovog Sporazuma, odnosno Strane će potražiti rješenje kroz međusobne konsultacije i pregovore. Ako se spor ne riješi u roku od šest mjeseci, odnosno Strane će predati spor MAG-u na razmatranje i odgovarajuće aktivnosti.

Članak 31. Depozitar

Vlada Republike Hrvatske će biti depozitar ovog Sporazuma.

U potvrdu toga, dolje potpisani, za to propisno ovlašteni, potpisali su ovaj Sporazum.

Sastavljeno u Budvi, Crna Gora, 14. travnja 2010. godine, u jednom izvornom primjerku na engleskom jeziku.

Za Republiku Albaniju
Nj. E. G. Tonin Beci, v.r.

Za Bosnu i Hercegovinu
Ambasador Branimir Mandić, v.r.

Za Republiku Hrvatsku
Dr. Mario Nobilo, v.r.

Za Bivšu Jugoslovensku Republiku Makedoniju*
Nj. E. G. Stefan Nikolovski, v.r.

Za Crnu Goru
G. Draško Jovanović, v.r.

Za Republiku Srbiju
G. Igor Jovičić, v.r.

Za Helensku Republiku
Nj. E. G. Georgios Avgoustis, v.r.

Za Republiku Tursku
Nj. E. Gđa. Emine Birgen Keşoğlu, v.r.

-
- Turska priznaje Republiku Makedoniju pod njenim konstitutivnim imenom